



**O‘ZBEKISTON RESPUBLIKASI**  
**MAKTABGACHA VA MAKTAB TA’LIMI VAZIRINING**  
**BUYRUG‘I**

**2024/2025-o‘quv yilida umumiy o‘rta ta’lim muassasalarida**  
**o‘quvchilarning yakuniy davlat attestatsiyasini tashkil etish va o‘tkazish**  
**to‘g‘risida**

O‘zbekiston Respublikasi Xalq ta’limi vazirining 2008-yil 4-martdagi 56-son buyrug‘i bilan tasdiqlangan (ro‘yxat raqami 1778, 20.03.2008-yil) Umumiy o‘rta ta’lim oluvchilarning yakuniy davlat attestatsiyasi to‘g‘risidagi nizomga muvofiq umumiy o‘rta ta’lim muassasalarida 2024/2025-o‘quv yilida o‘quvchilarning yakuniy attestatsiyasini tashkil etish va o‘tkazish maqsadida **buyuraman:**

1. Quyidagilar:

Yakuniy davlat attestatsiyasi o‘tkaziladigan fanlar ro‘yxati va imtihon o‘tkazish shakllari 1-ilovaga muvofiq;

Umumta’lim fanlari hamda xorijiy tillarni bilish darajasini baholovchi milliy va xalqaro tan olingan sertifikatlar ro‘yxati 2-ilovaga muvofiq;

Kasbiy ta’lim fani o‘qitilishi boshlangan umumiy o‘rta ta’lim muassasalari ro‘yxati 3-ilovaga muvofiq tasdiqlansin.

2. Belgilansinki:

9- va 11-sinflar uchun yakuniy davlat attestatsiyasi imtihonlari (keyingi o‘rinlarda — imtihonlar) 2025-yil 26-maydan 15-iyungacha o‘tkazilsin (Jismoniy tarbiya va kasbiy ta’lim fani bundan mustasno).

2-ilovada keltirilgan chet tili fanlari hamda umumta’lim fanini bilish darajasi to‘g‘risida davlat namunasidagi sertifikati bo‘lgan o‘quvchilar ilovada keltirilgan baholash asosida baholanib imtihondan tegishli fanlar fandan ozod qilinadi;

tegishli fanlar bo‘yicha, yakuniy davlat attestatsiyasi o‘tkazilishi belgilangan kundan bir kun oldin, qur’a tashlash yo‘li bilan (yozma shaklda o‘tkaziladigan fanlar bo‘yicha) shakllantirilgan variantlar orasidan 2 ta variant tanlanadi;

tanlangan 2 ta imtihon variantlari vazirlikning rasmiy veb-saytida e’lon qilinadi va ushbu variantlar asosida respublika bo‘yicha barcha bitiruvchilar yakuniy davlat attestatsiyasini topshiradi.

3. Ixtisoslashtirilgan ta’lim muassasalari agentligi huzuridagi Pedagogik mahorat va xalqaro baholash ilmiy-amaliy markazi (D.Davidova):

Toshkent viloyati maktabgacha va maktab talimi boshkarmasi

2025-yilning 25-fevral sanasiga qadar yakuniy attestatsiya o'tkaziladigan fanlar bo'yicha topshiriqlar spetsifikatsiyasini ishlab chiqish va tasdiqlash;

2025-yilning 25-martiga qadar umumiy o'rta ta'lim maktablari va Ixtisoslashtirilgan ta'lim muassasalari agentligi tizimidagi maktab va maktab-internatlarining bitiruvchi sinf o'quvchilari uchun ishlab chiqilgan fanlar spetsifikatsiyasi asosida yakuniy attestatsiya o'tkaziladigan fanlar (og'zaki va yozma) savollarini ishlab chiqish, ekspertizadan o'tkazish hamda baholash mezonlarini tayyorlash;

2025-yilning 28-martiga qadar imtihon materiallarining bazasini ta'lim beriladigan barcha tillarga tarjima qilish uchun Respublika ta'lim markaziga taqdim etish;

ishlab chiqilgan nazorat materiallari asosida imtihon variantlarini shakllantirish; yakuniy davlat attestatsiyasi imtihon materiallarining bazasini tayyorlashda kreativ va mantiqiy fikrlashga yo'naltirilgan topshiriqlar kiritilishini inobatga olish;

2025-yilning 20-apreliga qadar yakuniy davlat attestatsiyasida o'quvchilarning bilimlarini shaffof va adolatli baholash uchun maxsus platforma yaratish choralarini ko'rish;

2025-yilning may oyida yaratilgan platformani o'rnatilgan tartibda aprotatsiyadan o'tkazish, platforma bilan ishlash uchun ekspertlar guruhini shakllantirish, ular uchun platformadan foydalanish bo'yicha o'quv-trening o'tkazish;

yakuniy davlat attestatsiyasi sinovlari uchun fanlar kesimida nazorat materiallari ishlab chiqish hamda imtihon materiallari bazasini ta'lim beriladigan barcha tillarga tarjima qilish va ekspertizadan o'tkazish shuningdek jarayonni tashkil etish bilan bog'liq xarajatlar smetasini taqdim etish vazifalari yuklansin.

4. Respublika ta'lim markazi (D.Norboyeva), Ixtisoslashtirilgan ta'lim muassasalari agentligi huzuridagi Pedagogik mahorat va xalqaro baholash ilmiy-amaliy markazi (D.Davidova) 2025-yilning 5-apreliga qadar taqdim etilgan imtihon materiallari bazasini ta'lim beriladigan barcha tillarga tarjima qilish va ekspertizadan o'tkazish vazifalari yuklatilsin.

5. O'quvchilar bilimini baholash, tahlil qilish va apostil xizmatini ko'rsatish boshqarmasi (O.Zokirov) 2025-yil 24-fevralga qadar bitiruvchilarning yakuniy davlat attestatsiyasiga tayyorlanishlari uchun ishlab chiqilgan fanlar spetsifikatsiyasini va imtihon materiallari hamda baholash mezonlarini Maktabgacha va maktab ta'limi vazirligi rasmiy veb-saytida e'lon qilish uchun Axborot xizmatiga taqdim etsin.

6. Umumiy o'rta ta'lim muassasalari o'quvchilarining davlat ta'lim standartlari va kasbning ta'lim dasturi asosida egallashi lozim bo'lgan malaka talablariga muvofiq bilimlarini sinovdan o'tkazish maqsadida imtihonlari 1-ilovada keltirilgan fanlardan tashkil etiladi.

7. Umumiy o'rta ta'lim muassasalarining 9-sinf o'quvchilari uchun Jismoniy tarbiya fanidan imtihonlar 2024-yil 1-6-may kunlari malakali tibbiyot xodimlarining

nazorati ostida o'tkazilsin (jismoniy yoki psixik rivojlanishida nuqsoni bo'lgan bolalar uchun ixtisoslashtirilgan maktab, maktab-internatlar hamda skolioz bilan kasallangan bolalar uchun sanatoriy turidagi maktab-internatlar bundan mustasno).

8. 2023/2024-o'quv yilidan Kasbiy ta'lim fani o'qitilishi boshlangan 3-ilovadagi umumiy o'rta ta'lim muassasalarida 2024/2025-o'quv yilida 11-sinflar uchun Kasbiy ta'lim fanidan yakuniy imtihon joriy yil 17-20-iyun kunlari amaliy imtihon shaklida o'tkazilsin.

9. Qoraqalpog'iston Respublikasi Maktabgacha va maktab ta'limi vaziri, Toshkent shahar va viloyatlar maktabgacha va maktab ta'limi boshqarmalari boshliqlariga:

imtihonlarga puxta tayyorgarlik ko'rishlari uchun sharoitlar yaratish;

imtihonlar shaffof, adolatli, xolis o'tkazilishini ta'minlash, imtihonlarning o'z muddatlarida o'tkazilishini nazoratga olish;

tabiiy va texnogen sabablarga ko'ra belgilangan muddatlarda imtihon o'tkazilishining imkoniyati bo'lmagan umumiy o'rta ta'lim muassasalarida imtihonlarni tuman (shahar) maktabgacha va maktab bo'limlari bilan kelishgan holda boshqa kunda o'tkazishga ruxsat berilganligini ma'lumot va ijro uchun qabul qilish;

imtihonlarning natijalari hamda imtihonga oid ma'lumotlarni umumlashtirib, 2024-yilning 3-iyuliga qadar Ixtisoslashtirilgan ta'lim muassasalari agentligi huzuridagi Pedagogik mahorat va xalqaro baholash ilmiy-amaliy markaziga taqdim etish vazifalari yuklatilsin.

10. Ixtisoslashtirilgan ta'lim muassasalari agentligi huzuridagi Pedagogik mahorat va xalqaro baholash ilmiy-amaliy markazi (D.Davidova) 2025-yilning 10-iyuliga qadar bitiruv sinflarida yakuniy davlat attestatsiyasi natijalari bo'yicha tahliliy ma'lumotni O'quvchilar bilimni baholash, tahlil qilish va apostil xizmatini ko'rsatish boshqarmasi (O.Zokirov)ga taqdim etsin.

11. Axborot xizmati (D.Sobirova) Axborot-kommunikatsiya texnologiyalarini joriy etish va raqamlashtirish boshqarmasi (R.Musurmonov) bilan birgalikda taqdim etilgan fanlar spetsifikatsiyasini 2025-yil 25-fevral va imtihon materiallarini 2025-yil 10-aprel sanasiga qadar vazirlikning rasmiy veb-saytida e'lon qilsin va joylashtirsin.

12. Ushbu buyruqning bajarilishini nazorat qilish vazirning birinchi o'rinbosari Sh.Karimov zimmasiga yuklatilsin.

**Vazir**



**X.Umarova**

Toshkent sh.,  
2025-yil " 20 " -fevral,  
65-son

**Yakuniy davlat attestatsiyasi o‘tkaziladigan fanlar ro‘yxati va imtihon  
o‘tkazish shakllari**

<b>9-sinf uchun</b>	
Ona tili va adabiyot (ta’lim o‘zbek tilida olib boriladigan sinflar uchun) / Davlat tili (ta’lim tili o‘zbek tili bo‘lmagan sinflar uchun)	Yozma shaklda
Matematika	
O‘zbekiston tarixi	Yozma/og‘zaki shaklda
Jismoniy tarbiya	Amaliy shaklda
<b>11-sinf uchun</b>	
<b>Majburiy fanlar</b>	
Ona tili va adabiyot (ta’lim o‘zbek tilida olib boriladigan sinflar uchun) / Davlat tili (ta’lim tili o‘zbek tili bo‘lmagan sinflar uchun)	Yozma shaklda
Matematika ( <b>Asosiy</b> ) / Matematika ( <b>Chuqurlashtirilgan</b> )*	
Tarix	
<b>Tanlov fanlar**</b>	
Ona tili va adabiyoti (qoraqalpoq, rus, qozoq, turkman, tojik, qirg‘iz tilida ta’lim bo‘lgan sinflar uchun)	Yozma shaklda
Biologiya	
Fizika	
Kimyo	
Davlat huquq asoslari	
Geografiya	
Chet tili	Yozma/og‘zaki shaklda

Izoh:

*Qoraqalpog‘iston Respublikasidagi umumta’lim maktablari uchun davlat tili imtihoni qoraqalpoq tilida topshirish tavsiya etiladi.*

*11-sinf bitiruvchilari 3 ta majburiy va 2 ta (Matematika (Chuqurlashtirilgan) variantini tanlagan o‘quvchilar uchun 1 ta) tanlov fanlaridan imtihonlar topshirishlari kerak bo‘ladi.*

*\* Matematika fanidan 11-sinf bitiruvchilari berilgan 2 ta variantdan birini tanlashlari mumkin. Bunda:*

***Matematika (Asosiy):** Umumta’lim dasturidagi asosiy bilim va ko‘nikmalar baholanadi.*

***Matematika (Chuqurlashtirilgan):** Umumta’lim chuqurlashtirilgan dasturidagi bilim va ko‘nikmalar baholanadi.*

*\*\*11-sinfda o‘quvchining ixtiyoriga ko‘ra tanlov fanlar yakuniy davlat attestatsiyasi o‘tkazilishidan bir oy oldin uning arizasiga ko‘ra tanlanadi;*